

少室山人集

少室山人集卷九

河南楊本仁

詩

海印寺同年宴集值雨二首

十年尊酒聚招提一笑相看慧鵠棲
浮世萍踪真若寄勝遊鵷侶故重携
雨來翠壁生新色雲捲珠林見舊題
半醉何人問歸路輕雷猶在萬

山西

諸天日氣半晴陰五月寒生松檜林
雷雨共攀千尺閣風雲長繫百年心
卽從問竹遲廻地猶

記看花爛熳吟晚暮飄飄挈仙侶
渾無塵色到華簪

秋臺邀祝圖

自昔南陽稱上隱
丈人茅結萬松岑
片雲影落畫前意
孤鶴夢迴塵外心
機事不生鷗鷺渚
華風早謝烟霞襟
何時定訪廐門道
汝水嵩山放浪吟

奉和座主石岡先生韻二首

二十年餘洛水邊
先生攬轡氣無前
河嵩尚覺乘驄日
川海長懷鼓楫天
凡足謬塵伯樂廐
淺

裏媿促子期弦請看宗匠掄材地但入揮斤無
棄椽

憶昔浮游鯢化邊吹噓力拔萬濤前人間彛鼎
看餘地夢裏風雷識故天疎髮未拋曾刻鵠希
聲猶據舊揮弦漢家蔚棟連雲起虛擬南山徑
寸椽

省中夜集答少吳韻

佳境豈在遠夕觴省樹陰月華臨鶴影松露瀉
琴心真調無南北明河自淺深美人清絕意飛
動白雲岑

省夜同卓峰緒山譚白沙學用賦一首

省廬清切白雲邊
秋夜逢君理絕絃
四壁竹梧人對語
一天風月鶴雙眠
交深自識形骸外
境靜都窺色相前
欲上羅浮最高頂
捫參齊倡遠遊篇

仕學堂夜坐

溽夜耿不寐
煩燠令人弛
中宵忽泠然
躁靜竟誰是
六經豈真筌
文章誠小技
即有麟閣名
浮榮非著已
不得亦不戚
得之亦不喜
不見古人
心盈盈一掬水

除夕同年宴集用孫蒙泉韻

節換難爲客況逢除歲心窮年俱異域顧影惜
同林霜檜晚逾厲烟鴻羣欲吟平生耿耿意不
分歲華侵

元日早朝遇雪歸同中嵩北原飲

天王靜攝移西苑殺禮

朝元金水橋無數衣冠霑雪霧早時宮殿隔烟霄
異鄉故侶歲相問上日寒花晚自飄新意都來
傍梅柳東風先放最長條

辛丑元日

家時開歲思朝日今日朝端憶故岑
聽鴈轉添千里況含香猶是十年心
江河流水看雙鬢身世孤雲繫一簪

聖主好生新被

命青陽無地冷

宸襟

送羅念菴唐荆川與趙濬谷三翰林被

旨放歸

一語落金馬扁舟萬里風
抽簪江柳碧拊劍海雲紅
道氣誰還古詞林爾具雄
隱憂若旦夕抗

疏出鵲鴻

七廟神靈在孤懷金石同

聖明當紫極肝膽及

青宮茲事勢難偶如君義亦公詎期隨馭鶴翻使
謝

宸楓予寔憐三俊誰堪啓四聰

明王重賜玦精意屬飄蓬共識心非異奚妨道盡
窮河山存緒論天地鑒深衷

東林雨宿

往過鹿洞逢深夜今宿東林雨不開地勝固應

懸夢想山靈寧復阻人來壁間劍蓄風雷氣定
裏僧沈雲霧堆却憶當年陶遠事虎溪橋上獨
遲迴

中秋協中堂宴集無月戲東潘壺南一首
協中宴入垂垂雨臺栢陰森晚氣寒半醉共拚
呼月出多情時復倚雲看異鄉懷抱空今夕勝
日江山柰此官賴有壺南偏好事臨枰一笑燭
闌珊

南浦驛送石易菴回登鐘樓有作

城裏疎鐘城外舟無邊客興晚登樓西山影落

半江水南鴈聲回萬木秋頗謂勝遊拋吏縛詎
緣非土入鄉愁吟眸小放雲霄上無那湖風吹
不休

滕王閣宴別徐芝南少叅

萬里秋爲客長風吹夕陰霞暉與鴈遠山色坐
人深把酒閣前意停帆江上心名區應有作誦
爾芝南吟

九日登薛樓因以事阻聞尊用紀一首

無限登臨興高樓思欲往幽懷問菊本冷眼折
萸房山意薄垂絃江靈笑寢觴不堪重廻首天

地立危檣

秋日滕閣宴別胡簡齋舊曹長

曾夜華省春猶在忽接江城秋可憐廬阜青來
宿雨後章門濤落未霜前千年賓主有今日萬
里東南堪此筵天地水山須盡醉月明松竹坐
娟娟

江上聞浚翁罷歸

浩浩江流急茫茫風色新

朝廷存底事天地罷斯人賢駭逆能覩升沉中有
因典刑滿四海迴首大河濤

江上懷督學蘇舜澤憲使

鎮重兵符據上游，戰艘橫絕九江流。
栖栖吏況堪聞鴈，颭颭風帆不下鷗。

北極書來新退虜，西江月出最宜秋。
憐君說劍章門道，意氣相看百尺樓。

辛丑生日

四十七年初度日，淒風微雨九江城。

璽書嚴重慚何補，胡馬深踪憤未平。
覽鏡覺今齒髮暮，倚樓吟與竹松清。
看雲憶弟家千里，涕盡中原雙鴈聲。

江上贈馬鍾陽地官還朝二首

潯陽舟楫地官曹水接荆吳集萬艘

國計未妨存浩蕩時心頗擬赴錐刀吟殘澤館盈
盈月坐送寒江滾滾濤獨把一書朝

帝闕五雲偏耀舊官袍

蕭蕭歲暮俱爲客水國霜天杖節行半夜魚龍
吹萬觴九江風浪擁孤旌胡烽漢壘猶傳警北
鴈南雲總繫情天上逢人問疎謬時平不敢罷
談兵

味道軒獨坐

吏殿天南國愁懸薊北心氣隨戎壘峻寒入塞
垣深長若艱虞日况堪搖落襟臨風想烽色搔
首不成吟

雨立

江國淙淙雨林亭撼撼秋翠烟縈竹嶼寒色媚
津樓作意庭邊菊何心波上鷗殷勤問甲士澀
爾帳前矛

閱武

獵獵霜飈吹甲旌無邊殺氣水山橫操江亭上
風雲陣閱武堂中戰伐情重地詎堪當一面壯

心真欲請長纓乾坤倚劍看幽朔誰續燕然勒
後銘

冬日瀛溪祠送馬鍾陽地官

霜江日出水烟消光霽亭邊送使輶此去詎忘
白鹿洞向來曾共紫宸朝驛梅到汝花應放庭
草憐予色未凋薊北閩南三萬里一尊迴首路
俱遙

登後園山脚

獨坐悶如此起登西山岑孤雲橫遠目疎竹豁
煩襟廬嶽蒼烟接湓江暮色深中原有兄弟偏

觸鴈鴻心

冬十一月西園杏樹復花

搖落西園杏嚴冬爛作花春生杖屨外晴映竹
松斜頃覺風烟異翻疑鴛燕賒山靈笑寒寂偏
放枝頭霞

西園古梅隱叢竹中不知其梅也今朝見
花始知之欣然命僕理其下至晚步遶數
四皎月到地顧影獨笑月一陽九日也

萬事今看汝翻然雙眼溫月來如白晝客立到
黃昏疎影侵吟髻回姿傾古原竹松意不淺合

結歲寒軒

梅邊

自識風霜際時時改色看迎予如送笑對汝不
知寒遠客應偏惜初心覺獨酸病來詩思減倚
遍翠琅玕

月夜聞笛

淒切誰家笛無端觸客襟月明沙塞遠梅落霜
空深天地孤鴻夕江山千里心倚雲忽自省聲
斷不堪尋

十一月十一日與梅定交邂逅之間戲紀

一首

憐爾垂垂冰雪姿
避喧偏與野人期
早時數朶乍逾貴
高處一枝孤益奇
若會風情應解舞
不緣肺病更多思
從今共定白頭約
明月滿山河影遲

日暮

廬山歲燒荒
以却虎患

日暮兵司寂
霜林徙倚邊
手除梅下地
眉放竹梢天
忽見廬山火
微吟湓浦煙
江流寒自靜
却憶紫霞編

山上孤梅亦花

怪爾托根不可攀花時獨得祛凡顏心懸

北極三台下春放西山萬竹間絕品亦知真宰惜
仙芬應與上清閒娉婷孤影無人覺澹月微風
暮往還

山園即事

霜氣朝來薄山園健獨登姿梅喧二鵲老檜坐
孤鷹市虎深防吏枯禪淺證藤天池隔咫尺長
日白雲層

愛月戲篇

平生癖愛月見月情偏喜醺見月必醒卧見月

必起眉與月俱開床與月竝徙倚樓簾後鈎隔
戶隙亦視吸月浣詩脾漱月湊截齒燠得月如
濯暗湏月猶披垂沈繫靡從先升悵屢跂不妨
千峰青常恐片雲滓欲登萬仞岡覲面挹光美
朗吟明月篇光耀秋江紫

咏梅

盈盈迥立絕塵妍遲暮逢君五老邊若隔輕烟
逾縹緲縱無明月自嬋娟多心渾識春前意出
色全看雪後天最是隱君賦佳絕暗香疎影古
今憐

後愛月戲篇

世人皆愛月我愛入肌髓冥心蟾兔間游神清
虛裏和月餐明霞帶月擊芳筵吟微月弗佳觴
非月不肯笛意橫落梅琴心瀉流水桐月光溶
溶松月寒灑灑花舞月不休雪咏月逾侈光擬
注顏霜影若書梅史寤寐月在襟千秋吾與爾

少室山人集卷十

河南楊本仁

詩

歲寒篇寄唐荆川太史

情至鬱不懌攬衣陟層岑上有千歲松下有千
竹林南矚匡廬峰淒風吹我襟鳥旻慕儔侶遊
江夕沈沈瑤華爛可掇美人江一潯胡由寄一
枝知予歲寒心

潯陽小至

去年長至

南郊夜劒珮風嚴霜月西迴首烟雲春又動大江
波浪夢還迷岩梅溪菜晴相媚使蝶媒蜂願不
睽聞道漢兵清朔漠胡天閃閃抱雌霓

至日折梅花把玩戲味一首

憐絕秖須折然輕若卽摧情餘三嗅外芳與一
陽回詎畏風霜色終慚鼎鼐材

帝心尚可問移近斗邊栽

園梅爛開

冰霜嚴景開如此皎皎孤芳羨爾賢非惜絕姿
寧晚出爲含真意轉深憐幾迴欲折雲縈竿一

寒相逢月滿天却憶乘槎川上日半開半落錦
澄邊

梅花五絕

至日晴看岩畔梅一枝兩枝深處開春光欲透
蜂偏覺飛抱歲蕤不放廻

凝情姿立暮江邊影影月明絕可憐怪底烟雲
吹不散不知渠是道清仙

道全先天有一門玉妃真氣鍾靈根山人豈少
烟霞骨問著真詮總不言

春入江南副使衙不教玉笛惱梅花一朝吹出

關山月眼底并州不是家

一遇仙娃更不疑輕身輒擬跨青螭玉書靈藥
無消息不度山人待度誰

海天閣宴別熊南沙祠部值大風雪

江天閣暮陰觴爾陟千尋蕩臆波瀾闊把酒風
雪深曾無去國色早識續經心萬里看南鴈應
早澤畔吟

宿圓通寺

幾度匡山道俱從夜裏過疑笳動曙斗列炬掩
垂蘿欲證西來果誰還東逝波浮生遭吏縛無

語向頭陀

人日協中堂宴集虛谷出文衡山書帖衆
移席堂外觀之

曾在中秋宴重開人日觴江山來遠色旌斧依
新光暖眼披名帙移尊就夕陽醉歸吟興嬾片
月墮西廊

人日觴蘇舜澤學憲衙

七日逢人陰復晴眉山學士試新羨年華總覺
鄉心重葉甲真嘗世味輕門經竹松凝道氣江
山城郭散春聲

卷八 應繫蒼生念北望幽并無限情

穀日何沅溪王同野胡石陵三藩叅宴滕
閣值雨奉酬一首

藩君勝擇觴賓地滕閣千年映雨開江帶漁舟
還渺渺春生沙鳥故迴迴捲簾力送西山日倚
漢高傾首歲杯玉謝陰何俱異代一時徵省接
雄才

入舟讀虛谷憲丈協中堂宴集二詩情懇
藹然終規以太義於杯酒談笑之間具見
長臬協寅之體用是答贈一首

清興江俱動新詩山對開輕舟蒼霧入白日華

星迴精意到虞帝

詩有明允報主之意

深衷謝漢才

詩有北胡

未靖之句何時瞻臺栢重把協中杯

圓通寺立占一絕

朝來雨住圓通寺石耳峰尖雙眼青齋閣梵餘
鍾漠漠禪枝春動鳥惺惺

往登天池至雲封寺風大起不果登用賦

二絕

塵纓滿擬濯天池力駕衝泥風倒吹豈是山靈
惜珍秘不令凡眼覲真姿

澗桂岩松翠濕衣山僧迎客開石扉飛仙咫尺
無由接雲影鶴聲空翠微

上元江州對雪

萬國然燈候孤城春事違人煙江閣冷雨雪暮
鍾微爲客那親俗感時未息機一年方勝夜何
處月光輝

梅雪

初來最喜梅邊雪轉看寢疑雪裏花殊色相凌
渾不辨真香常在亦從遮輕沾寒藥關人意重
壓春梢增歲華醉倚東風羨清絕江山迴首獨

天涯

西園雪霽對梅

經旬鬱鬱綠誰劇雨雪泥人今到梅爛熳晴香
春入夢躊躇烟景暮登臺那堪眼底枝枝異正
想風前片片開相見不知相憶苦娟娟無語鴈
飛廻

雨懷

愁絕經旬雨冷然池館清把杯春草色燒燭暮
江聲雲裏天池寺人間湓浦城悠悠坐相繫一
嘯不勝情

雪夜登廬山

人間名嶽初來日雪裏登攀夜益奇萬樹花明
空宇爛四山雷起奔泉吹岩巒到面不還過雲
霧滿身濕不知乘興未妨探嶮絕欲從靈輿斷
神芝

雪後奉陪中丞東橋翁遊天池

匡廬勝絕天池寺留眼今來分更深風動鶴松
俱意氣雲橫臺殿故陰森上卿旌斧千峰雪名
地江山曠古襟述作真隨陶謝後珠光塔影照
高吟

宿天池寺夜讀橋翁憑几集

寶閣珠簾星霧光
佛燈千嶂映琳琅
荆湖烟月烏皮几
鍾阜精英紫綺囊
敢誦文章過沈宋
即看勛業瀾旂常
不眠似覺山靈語
空樂真香結上方

下山喜占一絕

雲封寺前春破顏
危磴千盤力雪還
迴首披霞蒼霧合
却如天上落人間

披霞亭名

夏日天池寺同岑蒲谷少叅

平生愛向名山宿
五月匡廬風雨深
猿鶴避人

覺吏縛竹松無語證禪心千峰雲起九江暮半
夜泉生孤磬音起傍天池拂髯影眼前詞調媿
高岑

文殊臺小飲

看山曾向雪中來五月重遊雪未開坐對真僧
忘色相靈風吹雨入吟杯

龍首岫戲贈蒲谷一絕

龍首岫頭松陰厚山靈愛詩不愛酒坐石一笑
風雨來知君身是岑參後

訪仙亭感賦一首

竹林冷落白雲隈曾枉

高皇首重廻雙闕千年却北嚮九江一帶還西來
鄱湖戰勝真人隱溫石藥成王氣培不是微言
當

聖帝宸碑那得倚天開

溫良藥石見
御製碑文

早秋岑蒲谷公署同賦以楓落吳江冷爲
韻得吳字

吏程不及炊攬衣即炎途薄帷曜赤景高鳥無
卑呼丈夫中榮名氣常若有紆將心向知己知
已但長吁微風從西來大火垂一隅感此一葉

零嘅彼萬化徂熱斯具表心古人良匪迂清觴
命儔侶詎知礙與拘潘紱還投晉張尊終戀吳
時窮金石彫一笑焉所須

七夕得射字

事萬靡不偶散聚隨大化合并良有期時至不
可謝如何塗路子躁心動成罅娟娟牛女夕耿
耿明河瀉神物有乖違精靈靡攸藉盈盈隔歲
年一水生悲吒語及君臣際一歌一揮筆醉倚
臨江樓波澄霞光射

海月篇奉賀慎脩翁余太夫人竝壽七十

海濤吹月秋氣積壺山青映光祿宅冠蓋元推
鍾鼎家菊松翻入烟霞跡先生今年年七十夫
人七十健猶劇二飛光連難老星五竒勝着長
春屐聞昔長安初獻策才賢驚影識顏色鶯鶯
風生閩海間鳬飛澤究湓江側君不見

武皇南狩國勢岌司馬憂虞大僕泣此時先生偏
有識一日萬慮馬林立又不見漢水

龍飛興慶宮霓旌颺馭來何雄此事先生偏有功
千乘萬騎潯河東爾後觀察復麟躍投冠遂果
康閒諾霜豸常傾絳鶴庭波鷗那省蒼龍閣

月天風吹華髮星翁金母雙壽骨山人遙贈海
月篇海水不竭月不闕

返照用鶴翻松露滴衣裳爲韻得滴字

羲馭無柅軌朱躔迅奔歷西馳濛汜間迴光矚
天壁世途固有窮神精豈終溺曜彼若木花東
影企良覲何沈不有升疇能辯昏哲不見天地
初萬水生一滴感此拙信理怵焉顧名勦老氏
守其黑斯言若霆擊

秋日方益齋傳巢湖二閫使席上得陽字
榮戟雙開府江山一命觴軍聲失小范雨氣薄

殘陽鷹坐嫖姚樹鴈飛吳楚霜秋風聞出塞揮
劒幕雲黃

秋日城北樓宴集得水字

良晤難再投吏況拘如此登茲城上樓願見樓
下水逝濤浩以奔流雲變而駛相看各盡觴一
笑暮山紫欲采芙蓉花長裾風纚纚秋色帶鳬
鷗向人鳴未已羈縻生煩紆軒車焉足美涼颼
吹白日惆悵秋江渌

章江秋泛得與字

木落水波天欲雨輕鷗晚放章江渚初棹聲搖

帝子閣中流韻接神仙侶一尊青對楚江萍一
杯勝賭山陰墅幽篴翻翻蔚可縫落落片片明
堪咀青山何意入几席白鳥無心澹容與清時
誰復汗漫遊名羈吏縛聊一紆人生良會詎可
常頭上華簪如土苴客子氣酣歌白紵荷花含
笑芙蓉語日氣閃閃抱殘虹露華浩浩濕平楚
岸冠一嘯波逾澄此時興發不可禦漁火微明
天際來扁舟暝色帶浦溆片帆直犯牛女邊隔
河恍惚聞機杼靈風颭颭吹長髯欲前不前但
延竚游龍出水放光怪願之膽掉色氣沮蒼茫

理棹問歸路月出江城見孤嶼

送蘇舜澤學憲陞山西大叅十六韻

昭代英雄器名藩禮樂身風猷江海闊道術魯
鄒醇水國飛鳧日金門抗疏辰至今能結

主往事只宜民砒到鵲俱効斤看郢有神士皆歸
意度天欲拔麒麟并朔需才急朝廷擇吏真
艱危須武畧注擢及詞人汝到三關重胡來

萬馬頻儒冠當險阨甲士藉彌綸誰使金湯罅
况傳澤潞貧請纓心炯炯說劒氣振振破虜平
生策知君命世臣萬山明月夕三晉紫微春應

憶論文友長懷出塞塵客邊無長物懸贈大行
筠

刈菊

月冷霜清把素書教兒放手總憐渠歲開應有
新枝葉管取春風不棄予

探梅

去年此日花俱放爛藥芳英滿意看何事今年
春較晚冰霜積氣枝應寒

雪後登堂見廬山灑然會意成詩二首

坐上匡廬雪巉巖千仞冰江流緣底急日氣爲

渠澄楚楚臺端吏蕭蕭雲外僧平生心似水對
爾忽堅凝

坐上匡廬雪相看屏几間竹松寒不改猿鶴晚
俱閒孤劒神偏壯一裘髮欲斑平生心似水詎
是強爲顏

吏懷

吏抱烟霞果居當吳楚衝世應咄蹇拙天不厭
疎慵雙鬢雲邊鴈一尊江上峯匡南有真隱何
日定相從

歲暮

江山身一旅襟帶月千霜生事石堪煮年華霞
可觴未甘同草木祇合任驪黃莫問山人意家
今嵩少傍

雪霽

霽景耀松雪晨光澄敞廬江山心躍躍旌甲氣
如如梅笑疑逢侶鶴來若起予玄言吾未草休
擬子雲居

十二月九日園梅小放一花

冰雪烟霜旦暮陰冬來天氣惱吟襟一花看到
忘情地不說當時滿樹心

原缺

少室山人集卷十一

河南楊本仁

詩

西園孤梅爛開一朝爲萬蜂所據勢洶洶
不堪逼視

岩上霜晴花滿枝蜂喧不遣主人知紛紛蹈藉
渾無賴潁潁包藏爾爲誰

早家僮開醞來嘗適與折梅小兒齊至欣
然引滿戲成一絕

山僮清曉抱霜根折得梅時酒復溫况有逋仙

詩句在看雲細嚙滌心魂

迎春日江州宴鳳原東莊二部使

異鄉節歲誰能那風雨塵埃髮欲華春事祗應
拋馬跡吏情豈合對梅花長江特控東南國白
日雙懸霄漢槎共把一杯聊引笑晴看天際有
明霞

歲暮海天寺東莊地官宴

野寺隔江歲一到汀梅岸柳色氤氲水山樓閣
春齊入烟雨帆檣客欲醺幾點漁燈生遠浦一
聲梵磬落寒雲無端津吏催歸炬驚起沙邊鷗

鷺群

除夕同東莊宴鳳原舊曹長行署

書桃如在含香省
綵勝華燈共一觴
天畔水邊接笑語
椒花栢葉借輝光
故心不與歲俱盡
新與應隨春更長
拂曙朝元擬竝馬
渾疑猶是鷺鵲行

元日江州枉鳳原東莊過飲

萬里風來展客襟
旌光上日耀彈琴
春生湓浦江邊柳
人繫芙蓉闕下心
楚水吳山開遠色
錦屏雙劍對高吟
屠蘇暖眼拚成醉
迴首北雲思

不禁

省謁雨出鳳原東莊一省長携酒延薰樓
取別喜賦一首

輕陰漠漠散春愁旌戟出城雨但收四海竝縻
兩省節一尊特上九江樓虹光倒引蒼龍缺鴈
影頻翻碧玉甌半霽廬山更佳絕萬峰橫帶翠
烟浮

圓通寺觀彌勒羅漢像書一對句壁上云
帝霸皇王未滿真僧一笑下不續遂戲占

一絕

塵世何緣辯劫灰風旌霜戟爲誰來千年冠蓋
廬山道笑殺真僧未肯迴

穀日途中風雨

歲事那堪八日雨春山初試四山風綠沾細柳
翻千縷濤捲寒松落半空爲國正須歌帝力憂
民祗合願年豐怪來徃路今偏遠惆悵孤城烟
水中

元夕閩司燈宴有烟火雜劇用賦一首

上元風雨泥洪都燈火戟門晚不孤百歲衰榮
真戲劇萬花開落總須更江山是地堪爲客櫂

組佳辰更著吾遙憶

帝城今夜月光華應與萬方殊

早春枉鳳原東莊城東樓待月

平生愛客兼愛月觴客高樓月故遲本借鶯花
供飲興若無蟾兔減詩姿春城使節寒仍倚午
夜光輪破更奇立地詎妨頻呼酒江山廻首碧
參差

正月二十三日東莊招與鳳原雨入海天
寺宴觀打魚回觴舟中雷電遽至於時賦
詩有雷電到船龍竝吼登臨得句山爲浮

之句自以爲奇險弃之另賦二首

歲前雨集水邊寺怪底重來雨不收若有江靈
催作賦豈無山色對凝眸杯搖雲樹千尋閣網
弄烟濤一葉舟客主正酣促歸棹半天雷電起
潛蚪

勝日招尋不厭遊美人相對賦同舟翠禽錦石
雲邊棹密雨疎簾江上樓冠劍百年隨汎梗身
名一笑落浮漚共君莫惜芳時醉傾倒春風杜
若洲

驚蟄後雪

江南節氣春常早
陰雨決辰轉雪飈
到地固應關蟄運
隔雲那復顧鴻曹
要令卉木識松竹
若厭繁華向李桃
人事天時俱莫解
一壺獨擁舊吟袍

同鳳原宿天池寺二首

二月看山雨後來
百年懷抱故人杯
塵埃機事揮須盡
衣屨松光拂不開
龍虎那翻燒藥鼎
葛藤欲上講經臺
聊從禪境辭喧聒
一夜泉聲送萬雷

山青日白春無限
千古匡廬共一觴
天上須眉

開五老鴈邊烟雨帶三湘竹松枝外垂空相鐘
磬聲中聞妙香軟語夜深僧定去石門河影動
黃楊

御碑亭小立

倚天石閣覆奎章指點江山語笑長忽有紫烟
生眼底令人却憶董東莊

覆射流觴

大林寺前寶樹光石渠雲竇射流觴山僧不語
亦不去似識先生清興長

折得寶松一枝

手拚古松枝衣袖生寶色把玩自含情傍人那
得識

山中憶舊

燕市風霜別楚江萍水期山椒清梵宇天上白
雲司曙斗朝同倚夕陽步獨遲名途與色界相
對一停卮

行藥

光風卉草春徙倚庭堦下松影搖空襟雲飛禽
倒惹

二月十七日大雪走筆戲簡東莊

春半江南寒轉劇北風一夜雪盈尺溪桃官柳
俱飾顏莫辨深紅與淺碧鶯燕吞聲曉自疑蜂
蝶失意春無跡鶴唳烟生瑤草齊雲移松動水
花坼江上若聞訪戴船城中倘有袁安宅道人
門徑無春冬一泓清淺石室白

五月九日海天閣宴治齋中丞公時奉

命經略西南苗夷

一代才猷當

簡在九江旌鉞拜嚴裝十年林壑懸伊鼎萬里炎
蒸抱舜裳談笑竹梧瞻氣象登臨山水藉聲光

風掀霆擊俱能事，早領平苗答聖皇。

贈虛谷方伯

神龍無常形，逸翰難故羈。與君義未申，奄忽隨雲螭。豈不念疇昔，識君萬里姿。終當拂揆席，岳牧一借之。君諒有高契，我行多路岐。願爲黃河水，東與君俱馳。願爲太室雲，照見君須眉。逝江莫予停，月出歌聲遲。

四一亭對雨

亭在兵司池上龍山命名

逃暑何緣聊水坐，花眠竹困晚俱醒。風雷忽滿三千界，魚鳥都忘四一亭。幾欲翻江沃赤景，誰

令央漢濕青冥隔雲遍揖匡南老爲展插天九
疊屏

七月十四夜對月

今夕江州月分明病裏看光輪天沆碣秋影斗
闌干正爾念垂湍何須久未安乾坤雙眼在一
飯不曾寒

江上送王涵峰中丞時半雨半霽

江山色對展樓櫓電齊開節鉞鄖西路聲猷吳
下才

帝猶誦諫草世早屬容臺千里風雲氣秋濤亦壯

哉

訪南臯新業二首

問訊南臯客新居隔世氛
買山半爲竹築屋四通雲
泉欲知來處鶴寧放出群
裘羊吾自忝何經得從君

客也勞何事誅茅萬竹間
數椽堪住月一木不遮山
若有泉林分誰非城市顏
將心問鹿豕孰與爾同還

秋風

一夕秋風下颯然
卉服輕霜華開劍室波色起

桃笙萬里心猶壯三垂夢亦驚天王新授鉞

時有旨總制得專殺江國重含情

江上絕句

半霽看江色扁舟漁子稀夕陽逢客話涼雨荷綸歸

秋夕

自謂無今日伏陽漸却平繁虫攪暮色涼葉墜
秋情更久塵機重病來世慮輕躬耕力未薄家
近有幸城

秋日同東莊邀可亭僉憲泛江三首

伏暑勢方殺，山秋翠可憐。偶來擊楫侶，同放泛江船。波鳥背人境，荻花入夕烟。未遊先計返，時可

亭已一笑角巾偏。

載酒百無語，輕舟任所如。晴霞夕鳥外，秋事晚

帆餘。觸網鱗還縱，

時網得一魚可亭手放之

拂波柳未疎。昔

人曾幾醉，把琰問匡廬。

勝地須佳侶，君來況及秋。山如客共笑，江與天同流。身世三杯足，乾坤一葉浮。星河歸滿載，扶醉謝扁舟。

懷山西蘇舜澤藩叅一首

并朔無來鴈子卿近若何
薇花長帶雨江月豈
垂波未試匣中物應傳塞上歌
秋風九折坂誰
與荷前戈

謁瀛溪墓

墓在山相對祠荒路不平
大江看逝色古木有
韜精地下月長霽人間草自生
秋風一繫馬若
爲絕塵纓

山行

天地秋爲客溪山晚着花
旌光千翠壁驄影逼
青霞懸徑堪過鳥清霄忽避蛇
掉頭流水出媿

殺野人家

少室山人集卷十一

少室山人集卷十二

河南楊本仁

詩

秋懷八首

水宿角仍健秋生江怒流
心懸豺虎窟涕盡鷺鷥洲
病肺酒長斷貧家冠可投
出門風色緊涼葉滿江州

一官別故國萬里水雲間
朋舊增鄉夢風塵減吏顏
斗邊辯異氣漢表望前山
他日應相笑須眉半欲斑

思汝如江水東流無淺深風高鴻鴈影天遠歲
時心夢裏辭難達病來涕不禁別時曾有語吾
意在泉林

套虜休南牧邊臣待至今力非經戰怯情若爲
機深虎豈草間石狼多筮後心傳聞漢飛將一
矢千黃金

夢裏平生友分明吳汝凡耳猶餘笑語面已植
松杉世若官俱短書同身一函起來竹影下爲
爾濕秋衫

天上中嵩子三年未得書雲山行騎外風月把

杯餘挾節人垂命含香 帝伴居諸郎應竝茂
吾意最關渠

聞道山東郡丞丞半料兵烽飛佩犢國檄斷誦
弦聲西去三關近南來一水橫謁卿吾憶汝孤

劍校平生

謁卿徐防字
得擬方塘

往事邊隅在何人吹沸炙草青欲偃甲烽至忽
徵兵虜向雲中出難從帳下生至今肘腋內時
有吠群聲

開先寺

秋入開先寺人天覺異芬瀑猶垂古液鶴不受

壓氛塔影纏僧氣
爐峰帶夕曛
往來淬雙劍
欲挾萬重雲

過柴桑橋

曠代高人里
經過潯水濱
浮陰天欲雨
絕境石生雲
亂世菊三徑
深衷酒一醺
未能拋印綬
無地謝徵君

濯纓亭觀醉石記

世從池仍在
石醒事却非
總緣塵色重
誰識醉心微
徃復終難測
去留常自違
昔人渾解此
掉臂賦來歸

落星石

浸日鯨波動垂天星石孤拳宮龍獨宿髮逕鳥
相呼白晝常風雨精靈定有無吏衫塵土重含
笑問鳬雛

遊白鹿洞書院

驄馬乘秋出登臨屬晚晴五峰開老面萬壑飛
霜旌絕學誰相續浮榮不足輕未逢騎鹿者廻
首有餘情

中丞東峰翁命觴大觀亭

亭在察院後
正對五老峰

杯酒湖山暮池亭旌斧秋乾坤存五老霄漢閣

幾眸何地無風月平生仰富歐
先朝曾司諫
白首弼

宸猷

八月十日侍東峰少司徒觴觀瀾閣二首

八月觀瀾閣追隨上宰遊窓含孔壁雨

閣隣孔廟簾

捲鄱湖秋夕翠沾千騎殘陽渺萬舟看山無限
意乘酒問邊籌

吏抱多不愜聊從勝地觴湖光連几席閣影及
宮牆旌鉞秋山淨風雲海日涼欣逢

壽聖節萬里憶重裳

奉和東峰少司徒觀瀾閣韻一首

衰白何人錯問仙
凌虹真到絳霄邊
江門細瑣飛雲閣
坡壁塵凡夢鶴船
把酒頻忘身外事
披霞如坐洞中天
從來明主重耆德
三壽常傳在昔年

八月十三夜仰高亭對月

惱入今夜月作意照湖城
奚減中秋色轉添
往歲情萬松侵下榻
孤鶴倚吹笙
聞道棲霞侶
芙蓉峰更晴

奉和東峰中秋天寧寺韻一首

一封曾問夜何其
節鉞江城杖主知
萬里雲濤秋益壯
五峰仙氣晚相移
名觴故借揮金地

今帝亦聞焚草時
把酒珠宮念民力
聖朝耆舊拜風期

秋日同游諸公宿天池寺

高賢秋晚携游日
俱是乾坤羈縻身
客意何從木石得
吏情轉與烟霞親
空天月出渾無地
絕境香來若有神
欲向岩僧聊住着
清霄虎穴自爲憐

廬山晨望贈薛畏齋憲使

畏齋向予借
山戲有此贈

立盡江山酒欲醺半空真擬絕人群行邊秋氣
凌雙鶴地下朝光湧萬雲吏况何緣生異土仙
岩猶自擣靈芬二京望斷莫歸去絕頂烟霞把
贈君

秋日南臯園小飲

浮生俱是客爲爾一啣杯豹霧山常碧雄風江
自頽灌園倘有得處世但無媒借問餐英侶黃
華霜盡開

秋江篇送權使董東莊地官

淒颯歛逐波清瀾起白鷗素懷鬱未申業具萬

里舟今日湓江側明日荔枝江頭挂帆信長風人
生良悠悠且復盡一觴聽我秋江謳鬱林石可
載交南香可投先民一何迂咄此纓冕儔榛塗
有卓軌膏林多下流使君非玄壁身與連城侔
吾願獻清廟奚翅登天球和光人不覺拔塵
聲乃浮何不涵其泥斯言傷清修願君盡此酒
撥棹難重醅不上芙蓉峰不登明月樓登高令
人思望遠令人愁

憶劔東

小樓倚斷欲棲鴉羌管無情吹暮霞三十六峰

雲氣合滿山風雨落梅花

甲辰元日

九江春動水生烟日氣晴薰栢葉筵無鴈不關
開歲語有蜂故趁折花還軒裾謬擁風雲壘五
十羞稱夫馬年聊把一尊媚衰齒松梅況對錦
峰前

立春日山行

身入雲霄青未了一年山色舊征衣峰巒有耀
日初動花鳥何心春不違騁躍故諳石下路龍
潛誰幹地中機吏程會與三楊起襟帶東皇萬

仞暉

建昌屏間見蒲鳳原往歲雪中見憶之作
寄答一首蒲山西僉憲

楊華飄亂別江州迴首思君江水流風雨幸存
春雪句鶯花曾伴使臣遊黃雲赤磧秋來壘細
柳疎梅醉去樓何日相逢重相問犬羊那繫廟
堂憂

人日環浦劍東清戎察院招飲

新歲逢人重載酒冰霜門館眼俱溫江山雲霧
鳥相語梅柳風微蜂不翻豈有燕鶯渾欲醉漫

從壺矢故生喧歸來細按春風曲城滿星河月
半痕

題樵雲王子卷

君不見豫章城頭生紅旭豫章城外飛黃鵠
珣弧學月映朱扉石麟下就金盆浴周家至親根
本篤一枝一葉視如王王孫好賢如不足東平
河間何足續黻榻長存山河盟瑤函半貯金石
錄野客新從何處來春風一奏叶熊曲

元夕雨懷

江國三年長作客但逢元夕歲常陰看燈每辦

春來興聽雨能銷醉裏心
梅若有魂真欲斷柳
方含色漸應深一聲鴻起
中原遠雲渺故山何
處岑

正月十七日雷

正月江南春事動
蟄雷先發九江城
羽蟲甲族俱掀躍
聽取天門第一聲

早春

翻覆陰晴候
暄寒水石居
花緣勒自抱柳爲寵
還舒天地
冰霜後江山
鶯燕初莫將門外意
吾自厚吾柳

晴登盤石城樓

霽色開新景登臨地復雄五峰青到眼九派碧
浮空橫絕荆吳壘長傳戰伐風倚雲看劍士誰
斷北飛鴻

讀崔清獻公錄

公銘座右云無以嗜欲殺身無以貨財殺子
孫無以政事殺民無以學術殺天下後世
江水自流山自青吏衫吟髯對霜局平生肺腑
今空在鏤刻先生座右銘

太平宮

聖治峰前真氣開
宋宮唐閣走風雷
九天使者應長在
萬乘威靈今草萊

岳武穆祠

丞相北來祗自謀
一身生陷帝王州
至今不盡英雄恨
千里長江水怒流

庾樓磯

風流四海庾元規
意氣當年傾佐史
何處南樓不見人
一天明月半江水

春日江州贈郭漸齋同年
漸齋奇磊負氣能詩
廣東少叅以虜禍由山西僉憲左遷

云

十年不見郭元振對酒高歌古劍篇別去陰晴
渾莫定興來花鳥自相憐聽鶯共結江門柳走
馬曾開

御苑烟試把吏心看鬢影東風吹醉九峰前

二月三日風

唐人詩盡知行處險誰肯載時輕誦之耿耿
聊短賦云

何處風來惡匡廬半欲顛岩棲者誰子愁殺沂

江船

雨後家僮折杏花
揷味道軒膽餅退食見
之戲咏一絕

少室先生放早衙
一枝帶雨折晴霞
小軒何物春風滿
古栢樓東山杏花

清風閣二絕

一掬清風三尺閣
與山俱立九江陰
漢時太守明時郡
誰有當年渡虎心

九江太守政如弩
一念風行驅猛虎
此物無情北渡江
江北生靈是誰主

小桃咏

小桃初放不勝春。夭嬾那堪風雨頻。不是先生惜顏色。從渠要識武陵津。

味道軒對雪

萬草千花春淺深。東風茅屋無弦琴。不知夜雪封三徑。消盡平生塵土襟。

望廬山雪

泉自涓涓石自磬。雪空會上半雲亭。憑誰爲借東風力。一掃雲間雙劍青。

瓶中杏花風片片。吹落几硯間。顧之欣然立占一絕。

歲華分得閨春枝香霧晴烟故故垂豈是東風
媚几硯要將芳潤佐題詩

春寒

東風庭院側寒輕枝上青梅豆未成蜂蝶不來
花自發一簾烟雨隔啼鶯

移松

昨日香爐峰頂迴蒼烟不斷與松栽他年會結
凌雲蓋倘有真人騎鶴來

觀松

小松新徙不盈尺老氣駸駸欲逼客童葉即含

千歲姿奴枝似眇文人石

雷雨寒甚忽作雪吁怪成詩

陰雨經旬翻作雪急霆疎霰走霜臺憑君莫怪
春寒側山杏一株花盡開

四一亭小立

韶光半擲燕來遲風雨惱人雙鬢知聊向後園
觀物意柳塘新水石痕移

嘲春雪

天地韶華景玄英亂欲摧駢肩妬柳眼萬掌着
飛顚微意難干竹真機空到梅雲孫爾何有力

借東風來

爲雪解嘲二絕

春事江南異江北年年雪裏放桃花
玉妃承得東皇旨細剪六英點絳霞

白爲人間掩不平玉妃親受玉宸盟
請君莫倩東風力沃盡塵寰皎皎情

鐘山寺

何代江邊剎對躡湖口山空天絕壁
影殘月老僧關吾意聲音外坡舟水石間
誰能去雙耳真樂自應還

小孤山

聞說孤山險
拏船手自捫
九江震撼力
二帝波濤痕
河漢秋相接
蛟龍晝四喧

高皇一戰後
氣執至今掀